

ԳՐԱԿԱՆ

ԳԻՐՔ ԴԻԻՑԱԶՆԵՐԳՈՒԹԵԱՆՑ

ԿՈՍՏԱՆ ԶԱՐԵԱՆ

Յուզումով է որ հրատարակութեան կու տանք հատուած մը Կոստան Զարեանի «Գիրք Դիւցազներգութեանց» անտիպ հատորէն: Զարեան արդի հայ գրականութեան տիտաններէն է, և իր «Գիրք»ը կը պարունակէ այն ամէնը ինչ որ գեղեցիկ և բացառիկ էր բազմատաղանդ քերթողին մօտ: Իր կարապի երգը այս մէկը, ուր հապճեպի հովը ամբողջ գիրքին կու տայ անկոփ, կիսաւարտ, բարբարոս գեղեցկութիւն մը: Ինք իսկ արդէն, «Առաջաբերգ»ին մէջ տազնապանքով կը խոստովանի.

«Ճամբիս ծայրին եմ: Վերջին հրաժեշտս

Նշան է անում ապրած օրերին»:

«Գիրք Դիւցազներգութեանց»ը ապահովաբար լրումը պիտի ըլլար քերթողի ստեղծագործական կարողութիւններուն, վերջին հիանալի վերաբնակումը Զարեանի տաղանդին, անոր՝ որ մեր գրականութեան ընծայած էր «Օրերի պսակը» և «Տատրագոմի հարս»ը, «Նաւը լերան վրայ» վէպն ու տակաւին այլ երկեր:

Սակայն, «չվերանայուած» ըլլալու իր հանգամանքովը հանդերձ, «Գիրք Դիւցազներգութեանց»ը երևոյթ մըն է արդի հայ գրականութեան մէջ, արժանի այն տեղին ու ճանաչումին՝ զոր անշուշտ իրեն պիտի ընծայեն մեծ քերթողին տաղանդն ու արուեստը: Ամբողջ գործը կը բաղկանայ անելի քան երեք հարիւր մեքենագրուած մեծադիր էջերէ, և փառաբանութիւն մըն է Հայ ցեղի առաքինութիւններուն և Հայաստանի արիւնացներկ հողին ու հիանալի բնութեան: Զարեանը յատկանշող ջղուտ ոճը և հայ լեռներուն ապառաժեայ կարծրութիւնը ունեցող լեզուն արտակարգ գեղեցկութեան կը հասնին հոս, ուր նրբագոյն և արուեստով լի փոխաբերութիւններն ու ժողովրդական միամիտ ասացուածքները իրարու հետ սերտ միութիւն մը կը ստեղծեն, ամբողջ գործը կեանքով և յղգերով թրթռացնելով: «Վահագն», «Ասացուած ցուպմարտ Մհերի համար», «Հայկ դիւցազն», «Հատուած Տիգրան Մեծի թուելեաց երգից» քանի մը խորագիրներ են գիրքը կազմող բանաստեղծական պատմումներէն, որոնք մեր պատմութեան սկզբնական շրջանը առած իբրև հող-հիմ՝ կը կառուցանեն այն հիանալին որ Հայ ժողովուրդը կը կոչուի, իր նկարագրի լոյս ու մութ գիծերով, հայրենի հողի իր անմարելի կիրքով, իր ապրումներով և կեանքով:

Ստորև ներկայացուածը հատուած մըն է «Գիրք Դիւցազներգութեանց»ի մուտքէն, զոր բանաստեղծը «Առաջաբերգ» վերնագրած է:

ԽՄԲ.

1

Հոգու խորհուրդը թաղուած է լոյսի՝
 Լոյսի խաւարի շերտերի տակը:

Ինձ միտք մի տանջեց. ո՛վ պիտի քաղի
 Դարերի ետև թագնուած կրակը
 Կորած աստղերի, որոնց շողքերով,
 Կապտաւուն և մով,
 Հիսուսել է փարթամ կեանքը մեր ցեղի
 Եւ գծուել ճամբան անդուլ դէպքերի:

Երբ ես, մոլորուած մէջս մաքառող
 Ստուերներում յուշի, բարձրացայ մի բլուր
 Եւ բլրան վրայից շուրջս դիտեցի -
 Ինձ շրջապատեց մոգութեամբ փռուած
 Աշխարհ մի անանց:

Հայոց լեռների

Վիթխարի շարքը պայծառ լոյսերով
 Արձանագրուեց այս երկրագնդի
 Մեծդի քարտէսում և հոգիս լցուեց
 Տարակուսանքով: Ինչպէ՛ս ես պիտի
 Լսեմ արիւնիս հոսուն կարկաչին
 Եւ վերագտնեմ մարուած դարերի
 Մորիկով կերտուած վէպը մեր սրտի
 Եւ երգը հօօր, որ դեռ հնչում է
 Մոլորակների շրջապարերում
 Եւ մեր ձորերի վայոյ գիշերում:

2

Քայլերս մտան սեգ մեր օրերի
 Ստուերներով կամար կապած քարայրը:
 Յոյգիս մրճերով կոփուած արձանը
 Վեր թռաւ, կանգնեց
 Եւ իր աչքերի վստահ բոցերը
 Ման եկան հեռուի փլուած ամպերում
 Եւ բացին դուռը լուսփիւնների:

Մարդը ի՛նչ է որ, եթէ անդադար չի փոխանակում
 Աւելի հարուստ հոգու զանձի դէմ -
 Եթէ իր ձայնի սարսուռը արծաթ

Չի նետում ծովի շառաշիհն առատ -
 Եթէ իր ձեռքի բարդ աշտանակի եօթնաջահերը
 Չի յանձնում ցաւին որոնումների
 Եւ տարրալուծուող ժամերի միջից
 Չի քաղում մտքի վառ խոյանքները:

3

Ճամբիս ծայրին եմ: Վերջին հրաժեշտս
 Նշան է անում ապրած օրերին:
 Հարաւից հիւսիս տարածուող բացը
 Թեւ բախում է հորիզոններին:
 Անծայրածիրը հրդեհով լցուած իր բազուկները
 Կրծքին է սեղմել
 Եւ իր սահմանը ծածկուել է վշտի շնչահեղձ մուրով:
 Օ, սիրտ անհանգիստ, թող փայլակների կերպացումները,
 Պաշտամունքային նշանակները,
 Մոխրագոյն քարէ սկահակները,
 Սեպան փորուած յուշարձանները,
 Խաչը, սուաստիկան, ցանքի ծիւերը,
 Հացահատիկի դեղին բոցերը,
 Տատրակի երգը, աստղերի պարը,
 Իմ ութը մատով և երկու բոյթով
 Բերանը կապեն սանդարամետի
 Եւ վերադարձիս քայլերի առջև
 Բանան երկաթէ դուռը երազի:

Թաղենք ցորեկը հազար մետաղով
 Ձայնող գիշերուայ ծածկուած խորհրդով
 Եւ առաջանանք:

Բագինի առջև

Մի աքլոր մորթենք: Զղամիդը նետենք
 Մեր մերկ ուսերին և մեր ճակատը
 Վարագի գրոհով ցցենք երկնքին:

Ահ, իմ սրտումս ուզում եմ սեղմել
 Համայն կերպերի սերմաքջիքը:
 Ուզում եմ խփել մոգութեան կնիքը
 Կեանքի բաց կրծքին. ուզում եմ լինել
 Ամբողջականի հրավառուած թևը:

Մահը վստահ է:

Ամէն մի հերոս

Իջնում է վիհը

Եւ հանդիպում է ուրուականներին:

Իր յուզումների եռացող գինիքն

Նա բաժանում է և սկիհը ձեռքի

Նետում անյայտին: Ապա քայլում է

Մրրիկով ծեծուած մտքի վայրերում

Եւ մաքառում է՝

Բախելով սրտի հուժկու վահանը

Խաւարում շաչող պղինձ թուրերին -

Որպէսզի բացուի թագնուած սահմանը

Եւ վերածնուի տագնապող հոգին:

Իջնում եմ վիհը:

4

Ինձ բոլորում է նախ խոր մթութիւն:

Առաջանում եմ նեղ ճամբէքներով,

Չեմ կարող յիշել ինչքան ժամանակ:

Եւ, յանկարծ -ի՛նչ հրաշք- երազի եզրից

Կամաց բացւում է մի վեհ տեսարան:

Մեծղի մի տաճար. զարդարուն, հարուստ

Եւ պատկերակերպ:

Բացուած սեղաններ:

Նրանց շուրջը շարուած ճոխ բարձրագահեր,

Որոնց ծածկոցը՝ ոսկիով հիւսուած՝

Անօթների հետ բոցավառում է,

Դահլիճը լցնում շող ակունքների

Պսպղանքներով և սպասների

Եւ սկիհների պերճ քանդակներով:

Արդեօք կոչո՞ւնք է: Յուզուած աչքերս

Շրջում են չորս կողմ, բայց մարդ չեմ տեսնում:

Ո՛ւր է կոչնատեր իշխանը խրոխտ

Կամ թագաւորը՝ տէր խրախուփեան:

Ո՛ւր են պնճազգեստ նուիրակի ձայնով

Կոչուած հիւրերը, ո՞ւր են լուսափառ

Եւ հանդիսաւոր մեր տիկիները:

Լապտեր, կանթեղներ, բազմաստեղ փայլով,
Լոյսեր են սփռում շքեղ այս վայրում:
Գունավառում են անթիւ ծաղիկներ -
Ասպազան, յասմիկ, մեղրուր և ցարգես,
Հորօտ և մորօտ, համասարումն,
Որոնց բուրումն - զգալի զամբարան
Վեր է սլանում զգլխիչ և ցուրբ:

Եւ մինչ զարմանքով նայում եմ լոկի,
Մէկ էլ, երկարած դահլիճի խորքից,
Լսում եմ զգող փանդիոյ մի ձայն:
Վազում եմ այն կողմ - ո՛, ժամ բախտաւոր -
Այնտեղ նստած են, մեծիկս կազմած,
Մեր երգիչները, վիպասանները,
Գուսանները քաջ՝ ներշնչուած դէմքով,
Ջահուած աչքերով:

Նրանք՝ շրջապատուած առաջնային

Մեր արկածների դարերից եկած
Վսեմ շուքերով՝ վերակոչում են
Վէպեր փառաւոր և առասպելներ,
Որոնց խորաշունչ արձագանքները,
Դեռ մինչև այսօր,

Լուռ սաւառնում են հիմարմաք

Հայի ձեռքերով մշակուած դաշտերով,
Հայի խորհուրդը պահող ձորերով,
Երևոյքին հասնող լեռների գլխին
Եւ սաղարթներում թաւ այգիների:

Ամէն մի պահը լցում է յուշով
Անցած օրերի: Աչքերիս առջև
Անցնում են դանդաղ հերոսները մեր,
Մեծղի ստուերները հուժկու քաջերի,
Դից, աստուածների և՛ տիեզերք կերտող
Հնչուն քայլերը առասպելների:

Երգը թնդում է:

Կոչումքի սրահը

Լցում է ծաւի, որդան կարմիրի
Վառվռուն գոյներով հագուած հիւրերով:
Ջրնգուն ու շխկուն զէնքերի ձայնով:
Ալ ալուան նախշուած մետաքսների մէջ
Փաթաթուած կանայք, աչքերով հրաշէջ,

Ժպտում են չորս կողմ և, շոյ ձեռքերով,
 Ակնագարդ շարուած սկիհներ են լցնում
 Շիրակայ բոցեղ, հրաշունչ գիհիով
 Եւ մատուցում են յուզուած հիւրերին:
 Միհնչ ես, երազկոտ, ծարաւ աչքերով,
 Նայում եմ այդ հրաշք, մեծ տեսարանին -
 Սարսոռն անպղուն մի նուրբ արարած
 Երկարում է ինձ բիւրեղէ մի սկիհ
 Լցուած գիհիով.- «Ըմպի՛ր արինը»
 Մեր այգիների, որպէսզի երգը
 Լիութեան բերքը սրտիդ բաժանի
 Եւ յոյսդ վառի հազար մոմերով
 Ներշնչումների»:
 Եւ երբ խմում եմ -

Դահլիճի խորքից
 Յանկարծ հնչում է արծաթէ մի ձայն՝
 Մէջս տառապում:

5

«Թող բամբ լարերը
 Փանդիոի
 Հնչեն և զնգան -
 Լոյս դառնան,
 Սլանան՝
 Նուաճեն աստղերը:

Երգե՛նք ձիւնաթագ և բարձրասանդուղք
 Մեր սեպ լեռները,
 Մեր խոր ձորերը, ժայռերը խոժոռ,
 Եւ ժայռերի տակ՝ փեշը վեր հանած,
 Արծաթ չմուշկը քարերին զարնող,
 Կանչող, բղաւող,
 Թռչող գետերը:

Վիհների նուագ:

Ով որ իր սրտի ճրագը վեր ցցած,
 Չի անցել Հայոց աշխարհի վրայով -
 Ինչպէ՛ս կարող է հոգու աչքերով
 Կարդալ գաղտնակերտ այն նշանները,
 Որոնց խորհուրդի ներքին կըրակը

Օծել է յամառ մեր ճակատները:

Ահա կանգնած է՝ վսեմ, լուսահագ՝
 Հայոց աշխարհին տիրող Պարոնը -
 Ազատը սրտով բիրտել և յտակ՝
 Արարատ լեռը արևահաւաք:

Ուսերից կախուած ալ պատմութեանց
 Ծալք ծալք երկինք է թափում դէպի վար
 Եւ իր գագաթի ձիւնակոյի թագից
 Հառազայթում է վերնութիւն անառ:

Մեր հոգու հիմքում բարձրացած կոթող,
 Նա յուշ է, կանչ է կախարդ և դիպող -
 Նա քրմապետ է, լուսեան Մեծ Մոգ,
 Աստղաշխարհի խուզարկու պահակ,
 Յաւերով սնուած Տիտան մտահոգ,
 Յոյսի սերմացան,
 Հայոց հէքեաթի մշտահոս մի ակ,
 Հայ ժողովրդի անմեռ ջահատար՝
 Բնութեան հանճար:

Սրահում թնդում են ծափեր անհամար:
 Կանանց և մարդկանց յուզումը սրտերում
 Փարթամ և շքեղ պարտէզ է ծաղկում՝
 Բոցկլտում հրավառ:

-- Կեցցէ՛, ջան գուսան, մատա՛ղ խօսքերիդ
 Եւ հազար լարով հնչող քո սրտիդ:

ԿՈՍՏԱՆ ԶԱՐԵԱՆ

Հատուած «Գիրք Դիցազներգութեանց» անտիպ հատորէն